

গণপ্রজাতন্ত্রী বাংলাদেশ সরকার  
কৃষি মন্ত্রণালয়  
বাংলাদেশ সচিবালয়  
প্রশাসন ও উপকরণ উইং

রাজস্ব বাজেটের আওতায় ফলবাগান স্থাপন ও প্রযুক্তি প্রদর্শনী বাস্তবায়ন নীতিমালা/ নির্দেশিকা

সকলের জন্য খাদ্য নিরাপত্তা নিশ্চিত করতে বর্তমান সরকার দৃঢ় সংকল্পবদ্ধ। বাংলাদেশ খাদ্যে স্বয়ংসম্পূর্ণতা অর্জনের পাশাপাশি ক্রমবর্ধমান জনসংখ্যার খাদ্য চাহিদা মিটানো ও পুষ্টির নিশ্চয়তা বিধান সরকারের জন্য বড় চ্যালেঞ্জ। সুস্বাদু খাদ্যের মাধ্যমে পুষ্টির মান নিশ্চিত করা সম্ভব। দেশের সকল মানুষের জন্য পুষ্টিসমৃদ্ধ সুস্বাদু খাদ্য নিশ্চিত করতে হলে শস্যবহুমুখী উৎপাদন প্রয়াস, উন্নত ও আধুনিক উৎপাদন কলাকৌশল অবলম্বন, বিভিন্ন ফসলের উচ্চ ফলনশীল ও হাইব্রিড জাত প্রতিস্থাপন জরুরী। তাছাড়া জলবায়ু পরিবর্তন মোকাবিলায় অভিযোজনযোগ্য প্রতিকূলতা সহিষ্ণু বিভিন্ন ফসল ও ফসলের জাত আবাদ এবং সম্প্রসারণ করা অপরিহার্য।

১.০ বাস্তবায়ন কৌশল :

১.১.ক বারি মাল্টা ১, বারি আম ৪, হাড়িভাঙ্গা আম, গৌড়মতি আম, রোপা আমন ধান ও মিষ্টি আলু প্রদর্শনীর ক্ষেত্রে প্রতি ব্লকে আগ্রহী কমপক্ষে ১৫ জন কৃষক নির্বাচন করা যাদের পাশাপাশি আবাদি জমি থাকবে এবং যারা দলবদ্ধভাবে কাজ করবে। প্রদর্শনীর কৃষক অবশ্যই পূর্বগঠিত কোন কৃষকদল (National Agriculture Technology Project- NATP/ Integrated Farm Management Component-IFMC/ Second Crop Diversification Project-SCDP/ Integrated Agricultural Approach for ensuring nutrition and food Security Program- IAPRFP/ Agricultural Support for Small Holding in South western region of Bangladesh Project- ASSSRBP/ Integrated Pest Management-IPM/ Blue Gold/ Disaster and Climate Risk Management -DCRMA সহ অন্যান্য প্রকল্প কর্তৃক গঠিত দল হতে পারে) হতে নির্বাচন করতে হবে। কৃষকদের সাথে আলোচনা করে এলাকায় সম্ভাব্য উপযোগী ফসলের প্রদর্শনী স্থাপন করতে হবে।

১.১.খ সবুজ সার ফসলের ক্ষেত্রে বোরো পতিত রোপা আমন শস্যবিন্যাসে অথবা সুবিধাজনক শস্যবিন্যাসের আওতাভুক্ত প্রতি ব্লকে ৫ জন কৃষক নির্বাচন করা যাদের পাশাপাশি জমি থাকবে এবং যারা দলবদ্ধভাবে কাজ করবে।

১.১.গ সজিনা রোপণ কার্যক্রমের ক্ষেত্রে প্রতি বাড়িতে ৪ টি চারা রোপণ করতে হবে।

১.২ কৃষক নির্বাচন, অগ্রাধিকার তালিকা প্রস্তুত ও অনুমোদন, উপকরণ বিতরণ প্রভৃতি উপপরিচালক, কৃষি সম্প্রসারণ অধিদপ্তর এর তত্ত্বাবধানে ব্লকের এসএএও, কৃষি সম্প্রসারণ কর্মকর্তা ও উপজেলা কৃষি কর্মকর্তাগণ সম্পন্ন করবেন।

১.৩.ক বারি মাল্টা ১, বারি আম ৪, হাড়িভাঙ্গা আম, গৌড়মতি আম এর ক্ষেত্রে ২০ শতক জমির জন্য প্রয়োজনে ১-২ জন কৃষককে একটি প্রদর্শনীর আওতায় নিতে হবে।

১.৩.খ রোপা আমন ধান ফসলের ক্ষেত্রে যে কৃষক দল ১ম বছর প্রদর্শনী পাবে ২য় বছর তারা adoption এর জন্য শুধু বীজ পাবে এবং নতুন কৃষক দল প্রদর্শনীর সুবিধা পাবে।

১.৩.গ প্রদর্শনীর খরচ (সার, বীজ, পরিচর্যা) রাজস্বখাত হতে প্রথম বৎসর বহন করা হবে। একটি কৃষক দলের সাথে ১ম বছর এবং ২য় বছর প্রদর্শনী স্থাপনের পর অন্য কৃষকদলের সাথে কাজ করতে হবে। উপজেলা কৃষি কর্মকর্তাগণ তদারকি নিশ্চিত করবেন।

১.৪ প্রদর্শনী বাস্তবায়নে বি/ বারি/ বিনাসহ অন্যান্য গবেষণা প্রতিষ্ঠানের নতুন জাতকে অগ্রাধিকার দিতে হবে। সংশ্লিষ্ট জেলাসমূহের উপপরিচালকগণ সকল প্রদর্শনীর বীজ/ চারা উপযুক্ত উৎস থেকে সংগ্রহ ও উপজেলা পর্যায়ে বন্টনের ব্যবস্থা গ্রহণ করবেন।

২

১.৫ প্রস্তাবিত কার্যক্রমের অর্থ কৃষি মন্ত্রণালয়ের সচিবালয় অংশের বিশেষ বরাদ্দ হতে সংকুলান করা হবে। কার্যক্রম বাস্তবায়নের জন্য অগ্রীম মঞ্জুরীকৃত অর্থ প্রস্তাবনার আর্থিক বিভাজন অনুযায়ী সংশ্লিষ্ট জেলাসমূহে উপপরিচালক, কৃষি সম্প্রসারণ অধিদপ্তরের অনুকূলে ছাড় করা হবে।

১.৬ সংশ্লিষ্ট ব্লকের উপসহকারী কৃষি কর্মকর্তা এ কার্যক্রমের জন্য মনোনীত (অনুমোদিত অগ্রাধিকার তালিকাভুক্ত) প্রত্যেক কৃষকের স্ট্যাম্প সাইজের ছবিযুক্ত কৃষি উপকরণ সহায়তা কার্ডের ভর্তুকি অংশে যথাযথভাবে উপকরণের পরিমাণ লিপিবদ্ধ করে যথারীতি মাস্টাররোল সংরক্ষণপূর্বক উপকরণ বিতরণ করবেন। মাস্টাররোলে অবশ্যই উপকরণ গ্রহণকারী কৃষকের স্ট্যাম্প সাইজের ছবি ও জাতীয় পরিচয় পত্রের নম্বর যুক্ত করতে হবে।

১.৭.ক প্রতি কৃষক বারি মাল্টা ১, বারি আম ৪, হাড়িভাঙ্গা আম, গৌড়মতি আম, সজিনা, কম্পোস্ট চেম্বার স্থাপন, লাইভ পার্চিং এর জন্য আফ্রিকান ধৈষণ, মিষ্টি আলু, সবুজ সার, আমন ধান ফসলের প্রত্যেক প্রদর্শনীর ক্ষেত্রে ফসল ও প্রযুক্তিওয়ারী প্রদর্শনীর নির্ধারিত বরাদ্দ অনুযায়ী বিভিন্ন কৃষি উপকরণ (সার, বীজ, বীজ সংরক্ষণ পাত্র) ও অর্থ বরাদ্দ পাবেন।

১.৭.খ প্রদর্শনী বাস্তবায়নে প্রয়োজনীয় জৈবসার কৃষক নিজ উৎস হতে ব্যবহার করবেন। লাইভ পার্চিং এর জন্য আফ্রিকান ধৈষণর বীজ পাওয়া না গেলে দেশীয় ধৈষণ বীজের মাধ্যমে প্রদর্শনী বাস্তবায়ন করা যাবে।

১.৭.গ সবুজ সার ফসল হিসেবে জায়ান্ট মাইমোজার প্রদর্শনী স্থাপনের ক্ষেত্রে যে সকল ফলবাগানে আলোর প্রবেশ্যতা আছে সেসব বাগান নির্বাচন করতে হবে।

১.৮.ক. বারি মাল্টা ১, বারি আম ৪, হাড়িভাঙ্গা আম, গৌড়মতি আম, মিষ্টি আলু, পেঁপে প্রদর্শনী স্থাপনের ক্ষেত্রে কৃষক ব্রিফিংস এর আয়োজন করতে হবে। রোপা আমন ধান ও মিষ্টি আলু ফসলের প্রদর্শনীর ক্ষেত্রে ফসল কাটিং রোপণের ১ (এক) মাসের মধ্যে ১ টি মাঠ দিবসের আয়োজন করতে হবে।

১.৮.খ সজিনা রোপণ কার্যক্রমের ক্ষেত্রে কোন মাঠ দিবস থাকবে না। বাড়ী বাড়ী কম্পোস্ট চেম্বার স্থাপনের ক্ষেত্রে পাশাপাশি ১৫ টি কৃষক পরিবার নিয়ে একটি দল গঠন করতে হবে এবং প্রতি ৫ টি দলের জন্য চেম্বার স্থাপনের ১ মাসের মধ্যে ১টি করে কৃষক সমাবেশের আয়োজন করতে হবে।

১.৮.গ. লাইভ পার্চিং এর জন্য আফ্রিকান ধৈষণ চাষের কার্যক্রমের ক্ষেত্রে প্রতি বীজতলার ক্ষেত্রে বীজ বপনের ৩০-৪০ দিনের মধ্যে কৃষক ব্রিফিংস আয়োজন করে চারা বিতরণ করতে হবে। সবুজ সার ফসলের ক্ষেত্রে বীজ বপনের ১ (এক) মাসের মধ্যে প্রতি ৮ টি কৃষকগুচ্ছ নিয়ে ১ (এক)টি মাঠ দিবসের আয়োজন করতে হবে।

১.৮.ঘ. মাঠ দিবসের দিন উপজেলা পরিষদের চেয়ারম্যান/ উপজেলা নির্বাহী অফিসার/ ইউনিয়ন ও ওয়ার্ডের জনপ্রতিনিধিসহ উপজেলা কৃষি কমিটির সদস্য, অন্যান্য ব্যক্তি ও সংবাদমাধ্যম কর্মীদের আমন্ত্রণ জানাতে হবে। মাঠ দিবসে উপস্থিত কৃষক তালিকা প্রদর্শনী রেজিস্টারে লিপিবদ্ধ থাকতে হবে এবং সংশ্লিষ্ট এসএএওগণ তা সম্পাদন ও সংরক্ষণ করবেন।

১.৯ কার্যক্রমের সকল উপকরণ বিতরণ উপজেলা সদর থেকে করতে হবে। সকল উপকরণ কৃষক নিজে গ্রহণ করবেন। কোন অবস্থায়ই প্রকৃত তালিকাভুক্ত কৃষক ছাড়া অন্য কাউকে উপকরণ প্রদান করা যাবে না বা একজনের উপকরণ অন্যজনকে প্রদান করা যাবে না। উপকরণ বিতরণের সময় প্রদর্শনীর উদ্দেশ্য এবং প্রযুক্তি প্রয়োগের বিভিন্ন দিক এবং প্রদর্শনী বাস্তবায়ন কৌশল সম্পর্কিত নির্দেশনা কৃষককে অবশ্যই প্রদান করতে হবে।

১.১০ সকল প্রকার ব্যয় ও সমন্বয় আর্থিক বিধিবিধান অনুসরণ করে করতে হবে। কোন অবস্থায়ই কার্যক্রমের বরাদ্দকৃত অর্থের অতিরিক্ত টাকা ব্যয় করা যাবে না। প্রয়োজনে প্রদর্শনীর বরাদ্দকৃত অর্থ বীজ ও উপকরণ বাবদ মঞ্জুরীকৃত অর্থের কম বেশী হলে আনুষঙ্গিক ও পরিবহন খাতের মঞ্জুরীকৃত অর্থ হতে সমন্বয় করা যাবে।

১.১১ বারি মাল্টা-১ এর চারা/কলম, ধৈষণ ও আফ্রিকান ধৈষণ বীজ সংশ্লিষ্ট জেলার উপ পরিচালকগণ প্রতিষ্ঠিত প্রতিষ্ঠান হতে পরিচালক, সরেজমিন উইং, ডিএই, খামারবাড়ী এর পরামর্শ ক্রমে সংগ্রহ করবেন ও প্রদর্শনী বাস্তবায়নের ব্যবস্থা গ্রহণ করবেন।


১.১২ প্রদর্শনী ও প্রযুক্তি adoption এর জন্য একই ধরনের বৈশিষ্ট্যপূর্ণ সাইনবোর্ড ব্যবহার করতে হবে। বারি মাল্টা-১, বারি আম ৪, হাড়িভাঙ্গা আম, গৌরমতি আম, মিষ্টি আলু, সবুজ সার, আমন ধান ফসলের প্রদর্শনীর ক্ষেত্রে প্রদর্শনী স্থাপনের ৭(সাত) দিনের মধ্যে ৩ফুট দৈর্ঘ্য ও ২ফুট প্রস্থ বিশিষ্ট সাইনবোর্ড স্থাপন করতে হবে।

১.১৩ কার্যক্রমের প্রকৃত সুফল প্রাপ্তির জন্য দ্রুত এ কার্যক্রম বাস্তবায়ন সমাপ্ত করতে হবে, কোনভাবেই বিলম্ব গ্রহণযোগ্য নয়। উপকরণ বিতরণ শেষ হওয়ার ১০(দশ) কর্মদিবসের মধ্যে খরচের সময় বিবরণী মহাপরিচালক, কৃষি সম্প্রসারণ অধিদপ্তর বরাবর প্রেরণ করতে হবে।

১.১৪ কার্যক্রমের যাবতীয় সময় উপজেলা কৃষি অফিসার সম্পাদন করে উপপরিচালকের মাধ্যমে মহাপরিচালক, কৃষি সম্প্রসারণ অধিদপ্তর বরাবরে সময়ের জন্য প্রেরণ করবে এবং কৃষি সম্প্রসারণ অধিদপ্তরের জেলা অফিসসমূহও রেকর্ড সংরক্ষণ করবে।

১.১৫ প্রতিটি প্রদর্শনীর সাধারণ তথ্য, বাস্তবায়ন অগ্রগতি, প্রতিবন্ধকতা, আয়-ব্যয়, লাভ-ক্ষতি, সার্বিক মতামত ও সুপারিশমালা প্রদর্শনীর রেজিষ্টারে সংরক্ষণ করতে হবে এবং পরবর্তী বছরের কর্মপরিকল্পনার অন্তর্ভুক্ত করতে হবে।

১.১৬ প্রদর্শনী বাস্তবায়নোত্তর এর সম্ভাব্য প্রভাব বিষয়ে উপসহকারী কৃষি কর্মকর্তার বার্ষিক কর্মপরিকল্পনায় লিপিবদ্ধ করে রাখা ও সে আলোকে ব্লকের পরবর্তী পরিকল্পনা গ্রহণ করতে হবে।

  
মোঃ সিরাজুল হায়দার এনডিসি ০২.০১.২০১৭  
অতিরিক্ত সচিব  
প্রশাসন ও উপকরণ উইং  
কৃষি মন্ত্রণালয়।